

II - ARABAKO LURRALDE HISTORIKOAREN TOKI ADMINISTRAZIOA

IRURAIZ-GAUNAKO UDALA

Esparru-Hitzarmena, Arabako Foru Aldundiaren eta Iruraiz-Gaunako Udalaren artekoa, udal eskumeneko gizarte zerbitzuen eskumenak eskuordetzeko eta kudeaketa egiteko

Udalbatzak, 2025eko urriaren 3an egindako batzarrean, beste batzuen artean, honako erabaki hau hartu zuen:

LEHENA. Arabako Foru Aldundiaren eta Iruraiz-Gaunako Udalaren artean eskumenak eskuordetzeko eta udal eskumeneko zerbitzuak kudeatzeko gomendiorako hitzarmena onartzea.

Honela dio hitzez hitz:

“ESPARRU-HITZARMENA, ARABAKO FORU ALDUNDIAREN ETA IRURAIZ-GAUNAKO UDALAREN ARTEKOA, UDAL ESKUMENEN GIZARTE ZERBITZUEN ESKUMENAK ESKUORDETZEKO ETA KUDEAKETA EGITEKO

Euskal Autonomia Erkidegoko Gizarte Zerbitzuen abenduaren 5eko 12/2008 Legeak arautzen du botere publikoek duten betebeharrak eskubidearen titular guztiei bermatzeko prestazio eta gizarte zerbitzuetarako sarbidea eta eskuragarritasuna, lege horretan nahiz Gizarte Zerbitzuen Euskal Sistemaren prestazio eta zerbitzuen zorroari buruzko urriaren 6ko 185/2015 Dekretuan finkatutako terminoetan. Hori guztia Arabako Lurralde Historikoko Gizarte Zerbitzuen Maparen arabera, Arabako Foru Aldundiak eta Lurralde Historikoko udalek berretsi zutena 2016ko uztailaren 22an, Gizarte Zerbitzuen Plan Estrategikoaren baitan.

Hitzarmen honetan jasotzen diren zerbitzuak udalaren eskumenekoak dira, 12/2008 Legearen 22. artikulua arabera, eta hainbat eskumen ditu esleitura. Izan ere, lurralde historikoko udalerri gehienek, tamaina eta biztanleria txikia dutenez, ez daukate zerbitzu horiek eraginkortasunez emateko beharrezko azpiegiturarik.

Toki Araubidearen oinarriak arautzen dituen apirilaren 2ko 7/1985 Legearen 31. artikulua adierazten duen bezala, aldundiek ziurtatu behar dute udal eskumeneko zerbitzuak lurralde osoan modu integral eta egokian ematen direla. Bada, testu beraren 36. artikulua arabera, aldundiek, besteak beste, udal zerbitzuei dagokienez juridikoki, ekonomikoki eta teknikoki lagundu eta kooperatzeko zeregina daukate. Horrenbestez, gomendagarria da Arabako Foru Aldundiak parte hartzea udal eskumeneko zerbitzu hori ematen.

Horregatik, lurralde osoan zerbitzuaren eraginkortasuna bermatzeko mekanismoak arbitratze aldera, komeni da Arabako Foru Aldundiaren eta hala erabakitzen duten udalen artean lankidetzaz-esparru bat prestatzea udal eskumeneko zenbait betebeharrak gauzatzeko.

Lankidetzaz hori legeak jasotzen duen administrazioen arteko kolaborazio, kooperazio eta laguntza printzipioetan; besteak beste, Sektore Publikoko Araubide Juridikoaren urriaren 1eko 40/2015 Legearen 140. artikuluan eta hurrengoetan eta Gizarte Zerbitzuen Legearen 43. artikuluan eta hurrengoetan. Hitzarmen honetan gauzatu dira horiek.

Gizarte zerbitzu hauekin lotutako udal zereginak izaera ezberdina izateak beharrezko bihurtzen du hitzarmen honek, lehen aipatutako 40/2015 Legearen 47. artikuluan eta hurrengoetan jasotakoaren arabera formalizatu denak, barne hartzea prestazio sozialekin nahiz diru publikoaren bilketarekin eta zerbitzuak ematea osatzen duten beste eginkizun batzuen kudeaketa egitearekin.

Foru lankidetzaren oinarrietako bat, Arabako udalerri guztietan, zerbitzuaren kalitatea eta intentsitatea antzekoa izatea sustatzea denez, zerbitzuen eta horien prezio publikoak arautzen dituen araudia, era berean, homogeneoa izan behar da hitzarmena sinatzen duten udal guztientzat. Horrela, gainera, eskumenen eskuordetzea erraztuko da, horixe baita zerbitzuak eta horien prezio publikoak arautzeko araudiak hitzarmenaren eranskin gisa txertatzearen arrazoia.

Lurralde Historikoan hitzarmen honi atxikitzen zaien udalerrietan aplikatuko da hitzarmen hau, honako klausula hauetan adierazitako terminoetan:

KLAUSULAK

Lehenengoa. Xedea

1.1. Hitzarmen honen xedea da Iruraiz-Gaunako Udalaren eskumenak Arabako Foru Aldundiari eskuordetzea eta Aldundiak honako zerbitzu/prestazio hauek osorik emateko kudeaketa egitea:

- a) Etxez etxeko laguntza-zerbitzua - ELZ (I. eranskina).
- b) Gizarte- eta hezkuntza-arloan eta arlo psikosozialean esku hartzeko zerbitzua, haurtzaroan (II. eranskina).
- c) Zaintzaileei laguntzeko zerbitzua (III. eranskina).
- d) Eguneko Arretarako Landa Zentroaren Zerbitzua - EALZ (IV. eranskina).
- e) Indarkeria matxistaren biktima diren emakumeentzako harrera-etxea (V. eranskina).
- f) Adinekoentzako ostatu- eta eguneko- arreta zerbitzua eta horien zerbitzu osagarriak (VI. eranskina).
- g) Zerbitzuari lotutako prestazio ekonomikoa - ZLPE.

Era berean, barnean hartzen du Iruraiz-Gaunako Udalak Arabako Foru Aldundian aurretik aipatutako udal-zerbitzu/prestazio hauek kudeaketa gomendioa:

- a) Etxez etxeko laguntza-zerbitzua - ELZ (I. eranskina).
- b) Gizarte- eta hezkuntza-arloan eta arlo psikosozialean esku hartzeko zerbitzua, haurtzaroan (II. eranskina).
- c) Zaintzaileei laguntzeko zerbitzua (III. eranskina).
- d) Indarkeria matxistaren biktima diren emakumeentzako harrera-etxea (V. eranskina).
- e) Garraio egokituko zerbitzua Eguneko Arretarako Landa Zentroan - EALZ. (IV. eranskina).
- f) Zerbitzuari lotutako prestazio ekonomikoa - ZLPE.

Agindu gabeko zerbitzuen kudeaketa udalak egingo du.

1.2. Hitzarmenetik kanpo geratzen dira Iruraiz-Gaunako zerbitzuei buruzko informazioari, balorazioari, diagnostikoari eta orientazioari lotutako udal-zeregin eta -eskumen guztiak; izan ere, horiek oinarritzko gizarte-zerbitzuei dagozkie, eta udalak berak eta/edo kuadrillek emango dituzte zuzenean.

1.3. Oinarritzko gizarte zerbitzu horietatik erreferentziazko profesional bat izendatuko da, kasuaren koordinazioa bere gain hartuko duena, banakako arreta programa edo, kasuan kasu, arreta plan pertsonalizatua egingo duena, pertsona edo familia erabiltzailearen partaidetzarekin. Esku-hartzearen jarraipena ere egingo du, Gizarte Zerbitzuen Euskal Sistemarekin batera, eta interesdunei orientazioa eta laguntza emango die, dagozkien espedienteak izapidetzeko eskaera eta beharrezko dokumentazioa formalizatzeko.

Bigarrenena. Zerbitzuak arautzeko araudia eta hitzarmenaren eraginkortasuna

2.1. Iruraiz-Gaunako Udala eta Arabako Foru Aldundia ados daude hitzarmen honetan araututako zerbitzuak/prestazioak eta horien prezio publikoak arautzen dituzten araudien edukiarekin (hitzarmen honen eranskinetan jasota).

2.2. Iruraiz-Gaunako Udalak konpromisoa hartzen du bere organo eskudunek araudi hori onartzeko, hitzarmen hau sinatu eta hiru hilabeteko epean.

2.3. Araudi horren onespena eta indarraldia ezinbesteko baldintza da hitzarmen honen eraginkortasunerako eta indarraldirako.

Hirugarrena. Eskumenak eskuordetzearen irismena

3.1. Iruraiz-Gaunako Udalak Arabako Foru Aldundiari eskuordetu dio lehenengo klausulan jasotako zerbitzuen/prestazioen eskumenak gauzatzea.

Zerbitzu bakoitzaren eskumenak eskuordetzan ematearen irismena honako hauetan zehazten da:

a) Horretarako ezarrita dagoen balorazio eta orientazio batzorde teknikoaren bidez baloratzea oinarritzko gizarte zerbitzuek bideratutako espedienteak. Desadostasunik egotekotan, espediente bideratu duen udalak/kuadrillak izendatutako pertsona bera sartu ahal izango da.

b) Ebazpen-proposamenetik (udal gizarte zerbitzuek eginga) abiatuta izapidetzea, erabat amaitu arte, zerbitzu hori ematearekin lotutako administrazio prozedurak. Horretarako beharrezko ebazpenak emango dira, eta, bereziki, prestazio horren eskubidea aitortu, eskuratu eten eta/edo iraungitzeak, zerbitzua eskuratzeko araudian ezarritako terminoetan.

c) Zerbitzua behar bezala emateko beharrezkoak diren jarraibideak eta aplikazio-irizpideak ematea, dagokion zerbitzua/prestazioa eskuratzeko araudian ezarritakoaren arabera.

d) Zerbitzua emateagatiko prezio publikoen kudeaketa, likidazioa, ikuskapena eta diru-bilketak, Tokiko Ogasunak erregulatzeko araudian eta, horren ordezkotza, Arabako Zergei buruzko foru arau orokorrean ezarritakoarekin bat etorritik.

e) Dagokion zerbitzuaren arloan, zehatzeko ahala erabiltzea eta legez bideragarri diren ikuskapenak eta egiaztapenak egitea.

f) Eskuordetutako eskumenak egikaritzuz emandako egintzen aurka jarritako administrazio errekursoak ebaztea.

3.2. Aldundiari dagokio eskumen horiek gauzatzea, bat etorritik indarrean dagoen araudiarekin eta, bereziki, zerbitzua eta bere prezioa (bigarren klausulan aipatzen dena) arautzen duen araudiarekin.

Laugarrena. Kudeaketa-gomendioaren irismena

Iruraiz-Gaunako Udalak Arabako Foru Aldundiaren esku uzten du lehenengo klausulan jasotako zerbitzuen/prestazioen kudeaketa.

Eskuordetutako zerbitzu bakoitzaren kudeaketa egitearen irismena honako hauetan zehazten da:

— Arabako Foru Aldundiak agindutako zerbitzua behar bezala emateko beharrezkoak diren jarraibideak eta aplikazio-irizpideak eman ahal izango ditu.

— Kudeaketa egite hori eta, hala badagokio, beste prestazio osagarri batzuk, Arabako Foru Aldundiak zuzenean edo zeharka egin ahal izango ditu, legez ezarritako moduan kontratatuta, eta gehieneko iraupenak ez du hitzarmen honen indarraldia gaindituko.

Eskuordetutako prestazio ekonomikoa kudeatzeko gomendioaren irismena honako hau da:

- Eskubide subjektiboa arautzen duen araudia aplikatzeko ebazpenean aitortutako zenbatekoa ordaintzea onuradunari.
- Araudi erregulatzailean ezarritako baldintzak betetzen direla eta prestazioa aitortutako helburutara egokitzen dela, gainbegiratzea.

Bosgarrena. Gobernu eta Koordinazio Batzordea

5.1. Hitzarmen honetan jasotako akordioak eta horien interpretazioa jarraitu, kontrolatu eta betetzea bultzatzeko Gobernu eta Koordinazio Batzordea sortu da. Honako kide hauek izango ditu:

Udaletako sei (6) ordezkari, Aiaraldeko, Ipar-ekialdeko Arabako eta Hegoaldeko Arabako eremu bakoitzeko bi.

Arabako Foru Aldundiko Gizarte Zerbitzuetako Saileko hiru (3) ordezkari.

5.2. Batzorde hori gutxienez urtean behin bilduko da ohiko bilkuran, eta erabakiak gehiengo soilez hartuko ditu.

5.3. Gobernu eta Koordinazio Batzordeari dagokio antolaketa eta funtzionamenduari buruzko bere erregelamendu propioa egitea.

5.4. Hitzarmen honetan aurreikusten ez den guztian, Gobernu eta Koordinazio Batzordearen funtzionamendua arautuko dute kide anitzeko organoen funtzionamendu arauak, Sektore Publikoaren Araubide Juridikoaren urriaren 1eko 40/2015 Legean ezarritakoak.

Seigarrena. Gobernu eta Koordinazio Batzordearen funtzioak

6.1. Gobernu eta Koordinazio Batzordearen funtzioak honako hauek dira:

a. Hitzarmen honen planifikazioa, koordinazioa, jarraipena, kontrola, txostena eta interpretazioa.

b. Hitzarmen honen edozein aldaketa edo berritzea jakinaraztea.

c. Hitzarmen honetan berariaz jasota dauden eskumenak erabiltzea.

6.2. Gobernu eta Koordinazio Batzordeari honakoen berri emango zaio urtero:

a. Hitzarmenaren egikaritze-egoera nahiz ekitaldi bakoitzean antzemandako gorabeherak.

b. Foru-aldundiak sinatu beharreko kontratuak, 600.000,00 eurotik gorakoak direnean.

c. Erakunde sinatzaileek egin dezaketen proposamenak, kexak edo iradokizunak.

6.3. Urtero, hitzarmen honetan jasotako zerbitzuen jarduera-memoria aurkeztuko zaio Arabako Gizarte Politiken Erakunde arteko mahaiari.

Zazpigarrena. Eskuordetutako eskumenak eta kudeaketa gauzatzea

7.1. Eskumenak eskuordetzeak ez du ekarriko titulartasuna lagatzea. Titulartasuna udalarena izango da une-oro, eta horren egikaritzea soilik eskuordetuko da.

7.2. Aldundiak Gobernu eta Koordinazio Batzorde Nagusiari eskuordetutako eskumenen erabileraren eta agindutako zerbitzuaren garapenaren berri emango dio, gutxienez urtean behin.

7.3. Iruraiz-Gaunako Udalak edozein unetan eskatu ahal izango du aldundiari eskuordetutako eskumenen egikaritzeari eta zerbitzua emateari edo prestazio ekonomikoaren aitorpenaren buruzko informazioa, Gobernu Batzordeko lehendakariari zuzendutako idazki baten bidez. Eskaera foru aldundian sartu eta gehienez ere hogeita egun balioduneko epean bidaliko du aldundiak eskatutako informazioa.

7.4. Iruraiz-Gaunako Udalak hitzarmen honetan eskuordetutako edozein zerbitzu/prestazio-
ren eskumena bere gain hartu ahal izango du, Arabako Foru Aldundiari idatziz jakinaraziz eta
gainerako zerbitzuei dagokien erregulazioa indarrean mantenduz.

Zortzigarrena. Araudi ekonomiko-finantzarioa

Eskuordetutako zerbitzu/prestazio ekonomiko bakoitzaren ekonomia- eta finantza-araubidea
dagokion eranskinean jasoko da.

Bederatzigarrena. Araubide juridikoa

Hitzarmen honek administrazio-izaera izango du. Administrazioarekiko auzien jurisdikzioko
organoek berrikusiko dituzte bide judizialean, bai eta betearazpenean emandako egintza eta
erabakiak edo horren ondoriozkoak ere.

Hamargarrena. Iraupena

10.1. Hitzarmen honek lau urteko indarraldia izango du, 2026ko urtarrilaren 1etik aurrera, eta
bigarren klausularen 2.3 apartatuan aurreikusten denetik aurrera izango ditu ondorioak. Epe
hori amaitu ondoren, beste horrenbeste luzatu ahal izango da.

10.2. Hitzarmena beste lau urtez luzatu ahal izango da hasierako aldia amaitu ondoren,
alderdiek hala adosten badute.

10.3. Udal batek, edozein arrazoi dela medio, hitzarmen hau ez luzatzea erabakitzen badu,
ez du ekarriko bere arloko gainerako udalek hitzarmena suntsiaraztea. Hala ere, Gobernu eta
Koordinazio Batzordearen organoa aldeztetik deitu beharko da ondorioak aztertzeko eta
egoera hori konpontzeko.

10.4. Iruraiz-Gaunako Udalak edozein unetan erabaki ahal izango du hitzarmena amaitzea,
bere eskumenak bere gain hartuta, eta horrek ez die eragingo gainerako udal sinatzaileei. Hala
ere, Gobernu eta Koordinazio Batzordearen organoa aldeztetik deitu beharko da ondorioak
aztertzeko eta egoera hori konpontzeko.

Hamaikagarrena. Hitzarmena suntsiarazteko arrazoiak

11.1. Hitzarmena honakoen bitartez suntsiarazi daiteke:

a. Alde bien arteko akordioa.

b. Edozein alderdiren salaketa, ondorioak izan behar dituen eguna baino gutxienez sei hila-
bete lehenago formalizatua.

c. Desadostasuna Gobernu eta Koordinazio Batzordearen organoan, hitzarmen honen fun-
tsezko klausulen interpretazioari buruz.

d. Funtsezko betebeharrak konbentzionalak ez betetzea. Suntsiarazteko arrazoi hori aplikatu ahal
izateko, hitzarmena suntsiarazteko interesa duen erakundeak aurrez Gobernu eta Koordinazio
Batzordeari jakinaraziko dio suntsiarazteko arrazoi hori badagoela eta suntsiarazteko asmoa
duela. Mahaiburutzari jakinarazpen hori egin ostean, batzordea deituko da, eta gehienez ere
hamabost egun balioduneko epean bildu beharko da. Helburua izango da beste alderdia entzun
ostean ebazpenaren jatorriari buruzko txostena egitea. Batzordearen txostena egindakoan,
erakunde interesdunak dagokion ebazpena emango du.

e. Ezin izango da bete, eta halakotzat hartuko da, besteak beste, udalak eranskinetako ez
den etxeko laguntza zerbitzuari buruzko araudia onartzea edo aldatzea.

f. Indarraldiaren gehieneko epea eta luzapena igarotzea.

11.2. Hitzarmena ebatzi edo iraungi ondoren abiatuko da haren likidazioa. Likidazio hori,
ukitutako udalari entzun ostean, foru aldundiak egingo du, eta Gobernu eta Koordinazio Batzor-
deak onartuko du.

11.3. Iruraiz-Gaunako Udalak Hitzarmena aldebakarrez suntsiarazten badu, aldundiaren bete ez izanean oinarrituta, Aldundiak ez du eskubiderik izango inolako kalte-ordainik eskatzeko.

11.4. Hitzarmen hau suntsiaraziz gero, Iruraiz-Gaunako Udalak bere gain hartu beharko ditu aldundiak zerbitzua zuzenean eta/edo zeharka emateko hartutako betebeharrak eta konpromisoak, edo, hala badagokio, kalte-galeren ordaina ordaindu beharko du.

Hamabigarrena. Datuen babesia

12.1. Datuak Babesteari buruzko 2016/679 (EB) Erregelamendu Orokorren (aurrerantzean, DBEO) eta Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Lege Organikoaren (aurrerantzean, DPBEBLO) arabera, Iruraiz-Gaunako Udala da erabiltzaileen fitxategiaren eta erabiltzaileen datu pertsonalen tratamenduaren titularra. Hori dela eta, bertan ezarritakoa betetzeko, Arabako Foru Aldundiari, tratamenduaren arduraduna den aldetik, erabiltzaileak identifikatzeko eta hitzarmen honetan aurreikusitako jarduerak egiteko ematen zaizkion datuak indarrean dauden bitartean soilik erabiliko ditu, bere gain hartutako betebeharrak betetzeko. Arabako Foru Aldundiak ez ditu aplikatuko edo erabiliko hitzarmenean jasota ez dagoen helbururako. Era berean, betebeharrak hau du: Eskura dituen datuen konfidentialtasuna, sekretua eta osotasuna ziurtatzeko behar diren segurtasun-neurri guztiak bete eta hartu beharko ditu, eta, hitzarmena iraungi ondoren, Iruraiz-Gaunako Udalari itzuli beharko dizkio jarduera egiteko eskuratu dituen datu pertsonalak dituzten euskarri guztiak.

Hamahirugarrena. Hitzarmenari atxikitze prozedura

13.1. Esparru-hitzarmen honi atxikitze, dagokion osoko bilkuraren erabakia, atxikipen hori onartzen duena, beharko da, eta hitzarmeneko klausula eta eranskin guztiak berariaz onartu beharko dira.

Hamalagarrena. Argitaratzea

14.1. Esku hartzen duen administrazio bakoitzeko organo eskudunek onartu ondoren, hitzarmen hau eta bere eranskinak ALHAOn argitaratuko dira, 2026ko urtarrilaren 1etik aurrera jarriko da indarrean.

I. ERANSKINA

Etxez etxeko laguntza-zerbitzua - ELZ

1. Ekonomia- eta finantza-araubidea.
Arabako Foru Aldundiak zerbitzuaren ehuneko 100 finantzatzen du.
2. Udal erregelamendu arautzailea.
Une bakoitzean indarrean dagoena izango da.

II. ERANSKINA

Gizarte- eta hezkuntza-arloan eta arlo psikosozialean esku hartzeko zerbitzua

1. Ekonomia- eta finantza-araubidea.
Arabako Foru Aldundiak zerbitzuaren ehuneko 100 finantzatzen du.
2. Udal erregelamendu arautzailea.
Une bakoitzean indarrean dagoena izango da.

III. ERANSKINA

Zaintzaileei laguntzeko zerbitzua

1. Ekonomia- eta finantza-araubidea.
Arabako Foru Aldundiak zerbitzuaren ehuneko 100 finantzatzen du.
2. Udal erregelamendu arautzailea.
Une bakoitzean indarrean dagoena izango da.

IV. ERANSKINA

Eguneko arretarako landa zentroaren zerbitzua

1. Ekonomia- eta finantza-araubidea.
Iruraiz-Gaunako Udalaren konpromisoak (Eguneko Arretarako Landa Zentroa ez duten udalak).
a) Iruraiz-Gaunako Udalak konpromisoa hartuko du, eguneko arretarako landa zentroaren zerbitzua osorik emateagatik eragindako gastuetarako bere ekarpena ehuneko 20 izateko, Iruraiz-Gaunako Udalak zerbitzu horretan beteko dituen plaza bakoitzeko.
Arabako Foru Aldundiaren konpromisoak.
Arabako Foru Aldundiak konpromisoa hartuko du, eguneko arretarako landa zentroaren zerbitzua osorik emateagatik eragindako gastuetarako bere ekarpena, zentro horri diruz lagun dakiokeen aurrekontuaren ehuneko 80 izateko, eta garraio egokituaren prestazioagatiko gastuen ehuneko 100 izateko, aurrekontuko baliabideen arabera.
Urtero, aurreko puntuan hartutako konpromisoei dagokien likidazioa egingo da.
2. Udal erregelamendu arautzailea.
Une bakoitzean indarrean dagoena izango da.

V. ERANSKINA**Indarkeria matxistaren biktima diren emakumeentzako harrera-etxea****1. Ekonomia- eta finantza-araubidea.**

Arabako Foru Aldundiak zerbitzuaren ehuneko 100 finantzatzen du, bai pisuen mantentze-lanekin lotutako gastu arrunta, bai erabiltzaileen laguntza pertsonala.

2. Udal erregelamendu arautzailea.

Une bakoitzean indarrean dagoena izango da.

VI. ERANSKINA**Adinekoentzako ostatua, eguneko arreta eta horien zerbitzu osagarrien zerbitzua****1. Ekonomia- eta finantza-araubidea.**

Iruraiz-Gaunako Udalaren konpromisoak (adinekoentzako ostatu-zerbitzurik gabeko udalak)

Iruraiz-Gaunako Udalak konpromisoa hartuko du, adinekoentzako ostatu-zerbitzua, eguneko arreta eta horien zerbitzu osagarrien zerbitzua osorik emateagatik eragindako gastuetarako bere ekarpena ehuneko 20 izateko, Iruraiz-Gaunako Udalak zerbitzu horretan beteko dituen plaza bakoitzeko.

Arabako Foru Aldundiaren konpromisoak.

Arabako Foru Aldundiak konpromisoa hartuko du, adinekoentzako ostatu-zerbitzua, eguneko arreta eta horien zerbitzu osagarrien zerbitzua osorik emateagatik eragindako gastuetarako bere ekarpena, ekitaldi bakoitzean ezartzen diren modulu ekonomikoen arabera egiteko, ehuneko hauetan: ehuneko 100 2025ean, ehuneko 90 2026an eta ehuneko 80 2027tik aurrera; hori guztia aurrekontuko baliabideen arabera.

Urtero, aurreko puntuan hartutako konpromisoei dagokien likidazioa egingo da.

2. Udal erregelamendu arautzailea.

Une bakoitzean indarrean dagoena izango da.

BIGARRENA. Ebazpen hau honako ALHAOn. Argitaratzea”

Azilun, 2025eko abenduaren 5ean

Alkatea

IRATXE DEL BARCO MURUA